


本煥老和尚刺血敬書

大方廣佛華嚴經普賢菩薩行願品

佛院教育基金會印贈

佛
1

像法歲百尚和老煥_{下本上}



人傳代四十四宗濟臨

薩菩賢普行大無南



佛尼牟迦釋師本無南



薩菩殊文智大無南



自序

佛生西域，然佛陀大悲之法水，源遠長流於東土。我國自漢迄今已約有兩千餘年。佛法在華夏大地，遍處開花，廣泛而迅速傳播開來。因歷史原由，幾經狂風、魔難、波折，却其是真實之理，永恆不滅之故，所謂邪不敵正。至今仍屹於世界宗教之林。莫不因其利人至深至重。以其大慈大悲淨化人我，深入世間生根發芽，枝繁葉茂。給人間帶來盎然生機。受益匪淺矣！

本人自一九三〇年元月十五日正式披剃落髮出家，於是年四月初八日受具。衷心贊仰佛菩薩慈悲無我高尚精神。力求早日脫胎換骨，而往江蘇省揚州

高旻寺親聆來果和尚七年，此間受益之大，深銘肺腑。三十七年離高旻北上，三步一拜朝禮五台文殊菩薩道場，住碧山寺，每日誦讀普賢行願品，佛在因地，從此發心，精進不懈，無以能轉，以不可說不可說河沙身命而為布施。剝皮為紙，折骨為筆，刺血為墨，書寫經典高積須彌。為重法故，不惜身命財物，以「但願眾生得離苦」，而「不為自己求安樂」。激起我無限的切心。覺得自己是佛子，應學菩薩發大深心、大悲心、不使人生空悲嘆。更痛自己孽障深而巨重，生於末法時代，幸未失人身，又能耳聞目睹正法之偉大。頓生「人身難得，佛法難聞」之心，如不好自珍惜，必得痛飲終生，尤使我感愧萬分。因此毅然決然，萌芽精進供養之心，刺指、舌之血，不慚形穢書寫了楞嚴經十卷，地藏經三卷，金剛經、普賢行願品和文殊師利法王子經等共二十卷，以此報答佛恩、眾生恩，以及無始至今過去現在一切父母撫養之恩，消除無始以來五逆十惡的罪孽。

在那風雨如盤，兵荒馬亂的年代，我的血經幾經滄桑，每每尋覓，終是渺茫。

一九八七年一月一日，忽然由終南山來一僧人，要在光孝寺掛單，當時寺廟剛恢復，住房緊缺，難以留單。他對我說：我是特為送一部經來。頃刻間，

我好像感覺到什麼似的，隨即叫他將經打開，當時我真難以相信，這竟是我多年盼望而無下落的血經。

但這只是一部《普賢行願品》，是民國二十六年在五台山廣濟茅蓬寫的。雖說其它血經至今還無法問世，可這一部血經，給我帶來了無比的欣慰。

此經離我整整五十餘年，今失而復得，實在是不可思議。為能了結我多年心願，也感激其僧護法之功德，特以微薄作為酬金供養，據述當他付出了代價，將僅存的行願品血經保護，由此可見，不僅護法之人得力，而更是佛法威力之功，能回到我手裏，實在是天大難事。於今思起佛法之

偉大，無與倫比。今天各位弟子和護法居士發大心翻印廣結良緣，功德無量，故略敘此經之殊勝因緣，不可思議而為序！

一九九一年一月一日

述於廣州光孝寺方丈室釋本煥

再版緣起

今年元月末學等組團赴大陸參訪廣州市南華寺等各道場。首先，到深圳聞名的宏法寺，慶幸得以拜見一〇一歲高僧，即虛雲老和尚的第四十四代傳人「本煥長老」。老和尚長壽又健康，聲音宏亮，如中年人，平常彌陀聖號不離口，且一生專修專弘「普賢行願品」，並在關中，刺血敬書此經（尚有血書十九種大乘經，文革時不幸散失）。老和尚為眾等慈悲開示，更特別贈送本經，也允許可在台再版此一珍貴稀有法寶。末學等回台轉告眾蓮友，皆大歡喜乃自動出資再版。

誠盼三寶加被廣為流通，並迴向所有出資，見聞讀誦禮拜者，現身得增福慧，獲安樂，臨終十大願王，導歸極樂同生淨土，增高品位。

慚愧僧 釋果真 合十

佛曆二五五二年二月二十一日 普賢菩薩聖誕日 再版

7

大方廣佛華嚴經普賢菩薩行願品

8

南無本師釋迦牟尼佛（三稱）

開經偈

無上甚深微妙法 百千萬劫難遭遇
我今見聞得受持 願解如來真實義

9

大方廣佛華嚴經普賢菩薩行願品

唐罽賓國三藏般若奉詔譯

10

爾時普賢菩薩摩訶薩稱歎如來勝功德已。告諸菩薩及善財言。善男子。如來功德假使十方一切諸佛。經不可說不可說佛

刹極微塵數劫相續演說不可窮盡。若欲成就此功德門。應修十種廣大行願。何等為十一者。禮敬諸佛。二者稱讚如來。三者

11

廣修供養。四者懺悔業障。五者隨喜功德。六者請轉法輪。七者請佛住世。八者常隨佛學。九者恒順衆生。十者普皆迴向善財。白言大聖。云何禮敬。乃至迴向。

12

普賢菩薩告善財言。善男子。言禮敬諸佛者。所有盡法界。虛空界。十方三世一切佛刹。極微塵數。諸佛世尊。我以普賢行願力

故。深心信解。如對目前。悉以清淨身語意業。常修禮敬。一一佛所。皆現不可說。不可說。佛刹。極微塵數身。一一身。徧禮。不可說。不可說。佛刹。極微塵數佛。虛空界盡。我禮。乃盡。以虛空界。不可盡故。我此禮敬。無有窮盡。如是乃至衆生界盡。衆生業盡。衆生煩惱盡。我禮。乃盡。而衆生界。乃至煩惱。無有盡故。我此禮敬。無有窮盡。念念相續。無有間斷。身語意業。無有疲厭。

復次善男子。言稱讚如來者。所有盡法界。虛空界。十方三世一切刹土。所有極微。一一塵中。皆有一切世間。極微塵數佛。一一佛所。皆有菩薩。海會圍繞。我當悉以甚深勝解。現前知見。各以出過。辯才天女。微妙舌根。一一舌根。出無盡音聲。海。一一音聲。

出一切言辭。海。稱揚讚歎。一切如來。諸功德海。窮未來際。相續不斷。盡於法界。無不周徧。如是虛空界盡。衆生界盡。衆生業盡。衆生煩惱盡。我讚。乃盡。而虛空界。乃至煩惱。無有盡故。我此讚歎。無有窮盡。念念相續。無有間斷。身語意業。無有疲厭。

復次善男子。言廣修供養者。所有盡法界。虛空界。十方三世一切佛刹。極微塵中。一一各有一切世界。極微塵數佛。一一佛所。種種菩薩。海會圍繞。我以普賢行願力故。起深信解。現前知見。悉以上妙諸供養具。而為供養。所謂華雲。鬘雲。天音樂雲。天傘蓋雲。天衣服雲。天種種香。塗香。燒香。末香。如是等雲。一一量如須彌山。王。然種種燈。酥燈。油燈。諸香油燈。一一燈炷。如須彌山。

一一燈油，如大海水，以如是等，諸供養具，常為供養。善男子，諸供養中，法供養最。所謂如說修行供養、利益眾生供養、攝受眾生供養、代眾生苦供養、勤修善根供養、不捨菩薩業供養、不離菩提心供養。善男子，如前供養，無量功德。比法供養，一念功德，百分不及一，千分不及一，百千俱胝那由他分。迦羅分、算分、數分、喻分、優波尼沙陀分，亦不及一。何以故？以諸如來尊重法故。以如說行、出生諸佛故。若諸菩薩行法供養，則得成就。供養如來，如是修行，是真供養。故此廣大最勝供養，虛空界盡、眾生界盡、眾生業盡、眾生煩惱盡。我供乃盡，而虛空界乃至煩惱，不可盡故。我此供養，亦無有盡。念念相續，無有間斷。身語意業，無有疲厭。

復次善男子，言懺除業障者。菩薩自念，我於過去，無始劫中，由貪瞋癡，發身口意，作諸惡業，無量無邊。若此惡業，有體相者，盡虛空界，不能容受。我今悉以清淨三業，徧於法界，極微塵刹，一切諸佛、菩薩眾前，誠心懺悔，後不復造。恆住淨戒，一切功德，如是虛空界盡、眾生界盡、眾生業盡、眾生煩惱盡。我懺乃盡，而虛空界乃至眾生煩惱，不可盡故。我此懺悔，無有窮盡。念念相續，無有間斷。身語意業，無有疲厭。

復次善男子，言隨喜功德者。所有盡法界、虛空界，十方三世一切佛刹，極微塵數，諸佛如來，從初發心，為一切智，勤修福聚，不惜身命，經不可說不可說佛刹，極微塵數

劫。一一劫中，捨不可說，不可說佛刹極微塵數，頭目手足，如是一切難行苦行，圓滿種種波羅蜜門，證入種種菩薩智地，成就諸佛無上菩提，及般涅槃，分布舍利，所有善根，我皆隨喜。及彼十方一切世界六趣四生，一切種類，所有功德，乃至一塵，我皆隨喜。十方三世一切聲聞及辟支佛，有學無學，所有功德，我皆隨喜。一切菩薩所修無量難行苦行，志求無上正等菩提，廣大功德，我皆隨喜。如是虛空界盡，衆生界盡，衆生業盡，衆生煩惱盡，我此隨喜，無有窮盡。念念相續，無有間斷，身語意業，無有疲厭。

復次善男子，言請轉法輪者，所有盡法界虛空界，十方三世一切佛刹極微塵中，一一各有不可說，不可說佛刹極微塵數，廣大佛刹，一一刹中，念念有不可說，不可說佛刹極微塵數，一切諸佛，成等正覺，一切菩薩，海會圍繞，而我悉以身口意業，種種方便，殷勤勸請，轉妙法輪，如是虛空界盡，衆生界盡，衆生業盡，衆生煩惱盡，我常勸請，一切諸佛，轉正法輪，無有窮盡，念念相續，無有間斷，身語意業，無有疲厭。

復次善男子，言請佛住世者，所有盡法界虛空界，十方三世一切佛刹極微塵數，諸佛如來，將欲示現般涅槃者，及諸菩薩，聲聞緣覺，有學無學，乃至一切諸善知識，我悉勸請，莫入涅槃。經於一切佛刹極微塵數劫，為欲利樂一切衆生，如是虛空界盡，衆生界盡，衆生業盡，衆生煩惱盡，我此勸

請。無有窮盡。念念相續。無有間斷。身語意業。無有疲厭。

復次善男子。言常隨佛學者。如此娑婆世界。毗盧遮那如來。從初發心。精進不退。以不可說。不可說身命。而為布施。剝皮為紙。析骨為筆。剝血為墨。書寫經典。積如須彌。為重法故。不惜身命。何況王位。城邑聚落。宮殿園林。一切所有。及餘種種。難行苦行。乃至樹下。成大菩提。示種種神通。起種種變化。現種種佛身。處種種衆會。或處一切。

諸大菩薩。衆會道場。或處聲聞。及辟支佛。衆會道場。或處轉輪聖王。小王眷屬。衆會道場。或處刹利。及婆羅門。長者居士。衆會道場。乃至或處。天龍八部。人非人等。衆會道場。處於如是。種種衆會。以圓滿音。如大。

雷震。隨其樂欲。成熟衆生。乃至示現。入於涅槃。如是一切。我皆隨學。如今世尊。毗盧遮那如是。盡法界。虛空界。十方三世。一切佛刹。所有塵中。一切如來。皆亦如是。於念念中。我皆隨學。如是虛空界盡。衆生界盡。衆生業盡。衆生煩惱盡。我此隨學。無有窮盡。念念相續。無有間斷。身語意業。無有疲厭。

復次善男子。言恆順衆生者。謂盡法界。虛空界。十方刹海。所有衆生。種種差別。所謂卵生。胎生。溼生。化生。或有依於。地水火風。而生住者。或有依空。及諸卉木。而生住者。種種生類。種種色身。種種形狀。種種相貌。種種壽量。種種族類。種種名號。種種心性。種種知見。種種欲樂。種種意行。種種威儀。

種種衣服、種種飲食、處於種種村營聚落、城邑宮殿，乃至一切天龍八部、人非人等，無足二足、四足、多足、有色、無色、有想、無想，非有想、非無想，如是等類，我皆如彼隨順而轉、種種承事、種種供養，如敬父母、如奉師長、及阿羅漢，乃至如來，等無有異。於諸病苦，為作良醫；於失道者，示其正路；於闇夜中，為作光明；於貧窮者，令得伏藏。菩薩如是平等饒益一切眾生，何以故？菩薩若能隨順眾生，則為隨順供養諸佛；若於眾生尊重承事，則為尊重承事如來。若令眾生歡喜者，則令一切如來歡喜，何以故？諸佛如來，以大悲心而為體故。因於眾生而起大悲，因於大悲生菩提心，因菩提心成等正覺。譬如曠野沙磧之中，有大樹王，若根得水，枝葉華果，悉皆繁茂；生死曠野，菩提樹王，亦復如是。一切眾生而為樹根，諸佛菩薩而為華果，以大悲水饒益眾生，則能成就；諸佛菩薩智慧華果，何以故？若諸菩薩以大悲水饒益眾生，則能成就。阿耨多羅三藐三菩提，是故菩提屬於眾生。若無眾生，一切菩薩終不能成。無上正覺，善男子，汝於此義，應如是解。以於眾生心平等故，則能成就；圓滿大悲，以大悲心隨眾生故，則能成就。供養如來，菩薩如是隨順眾生，虛空界盡、眾生界盡、眾生業盡、眾生煩惱盡，我此隨順，無有窮盡。念念相續，無有間斷。身語意業，無有疲厭。

復次善男子，言普皆迴向者，從初禮拜乃至隨順，所有功德，皆悉迴向。盡法界、虛空

界一切衆生，願令衆生常得安樂，無諸病苦。欲行惡法，皆悉不成。所修善業，皆速成就。關閉一切諸惡趣門，開示人天涅槃正路。若諸衆生，因其積集諸惡業故，所感一切極重苦果，我皆代受，令彼衆生悉得解脫。究竟成就無上菩提。菩薩如是所修迴向，虛空界盡，衆生界盡，衆生業盡，衆生煩惱盡。我此迴向，無有窮盡。念念相續，無有間斷。身語意業，無有疲厭。

善男子，是為菩薩摩訶薩十種大願，具足圓滿。若諸菩薩於此大願隨順趣入，則能成熟一切衆生，則能隨順阿耨多羅三藐三菩提，則能成滿普賢菩薩諸行願海。是故善男子，汝於此義應如是知。若有善男子善女人，以滿十方無量無邊不可說不

可說佛刹極微塵數一切世界上妙七寶，及諸人天最勝安樂，布施爾所一切世界所有衆生，供養爾所一切世界諸佛菩薩。經爾所佛刹極微塵數劫，相續不斷，所得功德。若復有人聞此願王，一經於耳，所有

功德比前功德百分不及一，千分不及一，乃至優波尼沙陀分亦不及一。或復有人以深信心於此大願受持讀誦，乃至書寫一四句偈，速能除滅五無間業，所有世間身心等病種種苦惱，乃至佛刹極微塵數一切惡業皆得消除。一切魔軍夜叉羅刹，若鳩槃荼，若毗舍闍，若部多等，飲血啗肉，諸惡鬼神皆悉遠離。或時發心親近守護，是故若人誦此願者，行於世間無有障礙，如空中月，出於雲翳，諸佛菩薩之所稱讚。

一切人天，皆應禮敬。一切眾生，悉應供養。此善男子，善得人身，圓滿普賢所有功德，不久當如普賢菩薩，速得成就，微妙色身，具三十二大丈夫相。若生人天所在之處，常居勝族，悉能破壞，一切惡趣，悉能遠離。

一切惡友，悉能制伏。一切外道，悉能解脫。一切煩惱，如師子王，摧伏羣獸，堪受一切眾生供養。又復是人，臨命終時，最後剎那，一切諸根，悉皆散壞。一切親屬，悉皆捨離。一切威勢，悉皆退失。輔相大臣，宮城內外，

象馬車乘，珍寶伏藏，如是一切，無復相隨。唯此願王，不相捨離。於一切時，引導其前。一剎那中，即得往生極樂世界。到已，即見阿彌陀佛、文殊師利菩薩、普賢菩薩、觀自在菩薩、彌勒菩薩等。此諸菩薩，色相端嚴，

功德具足，所共圍繞。其人自見，生蓮華中，蒙佛授記，得授記已，經於無數百千萬億那由他劫，普於十方，不可說不可說世界，以智慧力，隨眾生心，而為利益。不久當坐菩提道場，降伏魔軍，成正覺，轉妙法輪。

能令佛剎，極微塵數世界眾生，發菩提心，隨其根性，教化成熟。乃至盡於未來劫海，廣能利益一切眾生。善男子，彼諸眾生，若聞若信，此大願王，受持讀誦，廣為人說，所有功德，除佛世尊，餘無知者。是故汝等聞

此願王，莫生疑念。應當諦受，受已能讀，讀已能誦，誦已能持，乃至書寫，廣為人說。是諸人等，於一念中，所有行願，皆得成就。所獲福聚，無量無邊。能於煩惱大苦海中，拔濟眾生，令其出離，皆得往生阿彌陀佛，極

樂世界。爾時普賢菩薩摩訶薩。欲重宣此義。普觀十方而說偈言。

所有十方世界中 三世一切人師子
我以清淨身語意 一切徧禮盡無餘
普賢行願威神力 普現一切如來前

一身復現剎塵身 一一徧禮剎塵佛
於一塵中塵數佛 各處菩薩衆會中
無盡法界塵亦然 深信諸佛皆充滿
各以一切音聲海 普出無盡妙言辭
盡於未來一切劫 讚佛甚深功德海

以諸最勝妙華鬘 伎樂塗香及傘蓋
如是最勝莊嚴具 我以供養諸如來
最勝衣服最勝香 末香燒香與燈燭
一一皆如妙高聚 我悉供養諸如來
我以廣大勝解心 深信一切三世佛

悉以普賢行願力 普徧供養諸如來
我昔所造諸惡業 皆由無始貪瞋癡
從身語意之所生 一切我今皆懺悔
十方一切諸衆生 二乘有學及無學
一切如來與菩薩 所有功德皆隨喜

十方所有世間燈 最初成就菩提者
我今一切皆勸請 轉於無上妙法輪
諸佛若欲示涅槃 我悉至誠而勸請
唯願久住剎塵劫 利樂一切諸衆生
所有禮讚供養福 請佛住世轉法輪
隨喜懺悔諸善根 迴向衆生及佛道
我隨一切如來學 修習普賢圓滿行
供養過去諸如來 及與現在十方佛
未來一切天人師 一切意樂皆圓滿
我願普隨三世學 速得成就大菩提

所有十方一切刹 廣大清淨妙莊嚴

衆會圍繞諸如來 悉在菩提樹王下

十方所有諸衆生 願離憂患常安樂

獲得甚深正法利 滅除煩惱盡無餘

我為菩提修行時 一切趣中成宿命

常得出家修淨戒 無垢無破無穿漏

天龍夜叉鳩槃荼 乃至人與非人等

所有一切衆生語 悉以諸音而說法

勤修清淨波羅蜜 恆不忘失菩提心

滅除障垢無有餘 一切妙行皆成就

於諸惑業及魔境 世間道中得解脫

猶如蓮華不著水 亦如日月不住空

悉除一切惡道苦 等與一切羣生樂

如是經於剎塵劫 十方利益恆無盡

我常隨順諸衆生 盡於未來一切劫

恆修普賢廣大行 圓滿無上大菩提

所有與我同行者 於一切處同集會

身口意業皆同等 一切行願同修學

所有益我善知識 為我顯示普賢行

常願與我同集會 於我常生歡喜心

願常面見諸如來 及諸佛子衆圍繞

於彼皆興廣大供 盡未來劫無疲厭

願持諸佛微妙法 光顯一切菩提行

究竟清淨普賢道 盡未來劫常修習

我於一切諸有中 所修福智恆無盡

定慧方便及解脫 獲諸無盡功德藏

一塵中有塵數刹 一一刹有難思佛

一一佛處衆會中 我見恆演菩提行

普盡十方諸刹海 一一毛端三世海

佛海及與國土海 我徧修行經劫海

一切如來語清淨 一言具衆音聲海
隨諸衆生意樂音 一一流佛辯才海

三世一切諸如來 於彼無盡語言海
恆轉理趣妙法輪 我深智力普能入
我能深入於未來 盡一切劫為一念

三世所有一切劫 為一念際我皆入
我於一念見三世 所有一切人師子
亦常入佛境界中 如幻解脫及威力

於一毛端極微中 出現三世莊嚴刹
十方塵刹諸毛端 我皆深入而嚴淨
所有未來照世燈 成道轉法悟羣有

究竟佛事示涅槃 我皆徃詣而親近
速疾周徧神通力 普門徧入大乘力
智行普修功德力 威神普覆大慈力
徧淨莊嚴勝福力 無著無依智慧力

定慧方便威神力 普能積集菩提力
清淨一切善業力 摧滅一切煩惱力
降伏一切諸魔力 圓滿普賢諸行力
普能嚴淨諸刹海 解脫一切衆生海

善能分別諸法海 能甚深入智慧海

普能清淨諸行海 圓滿一切諸願海
親近供養諸佛海 修行無倦經劫海

三世一切諸如來 最勝菩提諸行願
我皆供養圓滿修 以普賢行悟菩提
一切如來有長子 彼名號曰普賢尊

我今迴向諸善根 願諸智行悉同彼
願身口意恆清淨 諸行刹土亦復然

如是智慧號普賢 願我與彼皆同等
我為徧淨普賢行 文殊師利諸大願
滿彼事業盡無餘 未來際劫恆無倦

我所修行無有量 獲得無量諸功德
安住無量諸行中 了達一切神通力

文殊師利勇猛智 普賢慧行亦復然

我今迴向諸善根 隨彼一切常修學

三世諸佛所稱歎 如是最勝諸大願

我今迴向諸善根 為得普賢殊勝行

願我臨欲命終時 盡除一切諸障礙

面見彼佛阿彌陀 即得往生安樂刹

我既往生彼國已 現前成就此大願

一切圓滿盡無餘 利樂一切眾生界

彼佛眾會咸清淨 我時於勝蓮華生

親覩如來無量光 現前授我菩提記

蒙彼如來授記已 化身無數百俱胝

智力廣大徧十方 普利一切眾生界

乃至虛空世界盡 眾生及業煩惱盡

如是一切無盡時 我願究竟恆無盡

十方所有無邊刹 莊嚴眾寶供如來

最勝安樂施天人 經一切刹微塵劫

若人於此勝願王 一經於耳能生信

求勝菩提心渴仰 獲勝功德過於彼

即常遠離惡知識 永離一切諸惡道

速見如來無量光 具此普賢最勝願

此人善得勝壽命 此人善來人中生

此人不久當成就 如彼普賢菩薩行

往昔由無智慧力 所造極惡五無間

誦此普賢大願王 一念速疾皆消滅

族姓種類及容色 相好智慧咸圓滿

諸魔外道不能摧 堪為三界所應供

速詣菩提大樹王 坐已降伏諸魔眾

成等正覺轉法輪 普利一切諸含識

若人於此普賢願 讀誦受持及演說
果報唯佛能證知 決定獲勝菩提道
若人誦此普賢願 我說少分之善根
一念一切悉皆圓 成就眾生清淨願
我此普賢殊勝行 無邊勝福皆迴向

普願沈溺諸眾生 速往無量光佛刹
爾時普賢菩薩摩訶薩於如來前說此普
賢廣大願王清淨偈已善財童子踊躍無
量一切菩薩皆大歡喜如來讚言善哉善
哉

爾時世尊與諸聖者菩薩摩訶薩演說如
是，不可思議解脫境界勝法門時，文殊師
利菩薩而為上首，諸大菩薩及所成熟六
千比丘、彌勒菩薩而為上首，賢劫一切諸
大菩薩、無垢普賢菩薩而為上首，一生補
處住灌頂位，諸大菩薩及餘十方種種世
界、普來集會一切刹海、極微塵數諸菩薩
摩訶薩眾，大智舍利弗、摩訶目犍連等而
為上首，諸大聲聞并諸人天、一切世主、天
龍、夜叉、乾闥婆、阿修羅、迦樓羅、緊那羅、摩
睺羅伽、人非人等，一切大眾聞佛所說，皆
大歡喜信受奉行。

讚

普賢行願功德周圍普資恩，有利人天福
壽廣增延滅罪無邊同願禮金仙
南無普賢菩薩摩訶薩 三稱

大方廣佛華嚴經普賢菩薩行願品

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

以上共字伍千九百伍拾二字

民國貳拾陸年五月吉日 懺悔釋子 本幻發心刺血敬書

五台山廣濟茅蓬

跋

《華嚴經》，具名《大方廣佛華嚴經》。是釋迦牟尼佛在菩提樹下初成正覺時，不起於座在定中到七個地方（三個地方在人間，四個地方在天上）。為圓頓大根眾生說自身圓頓法門——真法界的道理。經過九次集會，在二十一天的時間說完這部不可思議的經。以普賢、文殊諸大菩薩顯示釋迦牟尼佛的因行果德、眾華莊嚴、廣大圓融、無盡無礙不可思議之妙法。世尊說完《華嚴經》，而這部經並沒有全部存在世上，在印度也沒有，而是被龍王請到龍宮去供養。在佛入涅槃六百年後，在印度出世了一位龍樹菩薩，聰明絕頂。他將世間的所

有文章論議和經典全部讀完，便發心到龍宮去看藏經，在龍宮裡他看到了《華嚴經》。《華嚴經》有三本——上本、中本、下本。

上本有十三千微塵數偈，一四天下微塵數品；中本有四十九萬八千八百萬偈，一千二百品；下本有十萬偈，四十八品。龍樹菩薩把下本牢牢記在心裡，回到印度後，才把它寫出來。

此經漢譯本有三種：一、東晉佛跋陀羅所譯六十卷，稱為《六十華嚴》；二、唐貞元中般若所譯四十卷，稱為《四十華嚴》；三、唐武則天時期實叉難陀所譯八十卷，稱為《八十華嚴》。

《華嚴經》的品數和卷數，有八十卷、六十卷、四十卷。但都不是太全，八十卷也不全是原本的十萬偈頌，只譯出四萬五千偈，但也具足序分、正宗分、流通分。依據清涼國師的判教，八十華嚴的前五卷是序分，中間五十五卷半是正宗分，後十九卷半是流通分。

《大方廣佛華嚴經》又表示七種大意：大表示體大；方表示相大；廣表示用大；佛表示果大；華表示因大；嚴表示智大；經表示教大。大方廣是所證法，佛華嚴是能證人。大體，即諸佛眾生之心體。方廣，即體之相用。佛是果，華嚴是因。華喻萬行，嚴即大智，運於萬行。嚴大方廣，為成佛之果。

《華嚴經》從開始到終，一直在說五周因果的道理。在第一會是說所信因果，從第二會到第六會是說差別因果；第七會是說平等因果，第八會說成行因果；第九會是說證入因果。清涼國師又把全經分為四分，在第一會有十一卷，為舉果嘆樂生信分；從第二會到第七會共有四十一卷，為修因挈果生解分；在第八會有七卷，為托法進修成行分；在第九會有二十一卷，為依人證入成德分。七處九會是：第一會在菩提道場，說如來依報因果。第二會在普光法堂，說十信法門；第三會切利天宮，說十住法；第四會夜摩天宮，說十行法；第五會兜率陀天，說十回向法；第六會他化自在天，說十地法。賢聖有隔，故越化樂。

第七重會普光法堂，說因圓果滿法。有十一品經，前六因圓，後五果滿。第八三會普光法堂，說普賢大行法，六位頓成。第九會室羅伐城逝多園林，說入法界法門。而第九會未歸菩提場，則十會圓明，頓彰玄極。言為佛獨說，為托他人者，此經欲表諸佛齊說故。於諸會多是十方諸佛加菩薩說，欲明一說一切說故。

第一會十方諸佛加被普賢說，普賢菩薩是華嚴海會的法主，表普法故；第二會文殊為主，而十首共談，表十信門萬德首故；第三會法慧菩薩說，表十住法慧心增故；第四會功德林菩薩說，表十行法行門森聳故；第五會金剛幢菩薩

說，表十回向高出歸向故；第六會金剛藏菩薩說，表十地法含藏出生不可壞故；第七會亦普賢菩薩說，表因圓果滿，普周法界，行德皆普故；第八會亦是普賢菩薩說，沒六位名，收六位行，為兩千行法，舉一圓收始自初心，終極等覺，皆共同修，乃至成佛不捨因故；第九會如來自入獅子頻申三昧，令諸大眾頓證法界，示相而說。

《華嚴經》是大乘法，是為法身菩薩說的，完全是修菩提心和行菩提道，所以小乘人雖在法會中也是若聾若盲，所謂有眼不識盧舍那，有耳不聞圓頓教。因為他們在因地時不修大乘法，所以無緣能得到利益。

《華嚴經》講四種法界：一、事法界，是說宇宙萬有事法的一一差別；二、理法界，指真如平等的諸法理體；三、理事無礙法界，是說差別的事法和平等的理性，交融無礙；四、事事無礙法界，是說事法差別的理性同一，能一一稱性融通，一多相即，而為重重無盡、莊嚴無上之華藏世界。

《普賢行願品》以十大行願為所詮，以證入華嚴法界為旨趣；以利益有情廣大意樂為入門，以往生淨土為方便。《入法界品》是《華嚴經》的終極，總攝華嚴入證因果。《行願品》又是《入法界品》的終極。

《普賢行願品》與密宗的修行儀軌有著密切的關係，密宗的儀軌是以十大行願組成的。西藏密宗的一切儀軌，都以普賢七支結構來組織。胎藏界大法的九方便——作禮、出罪、歸依、施身（即供養）、菩提心（即常隨佛學、恆順眾生）、隨喜（即稱讚）、勸請（轉法輪）、奉請（住世）、回向——即攝十願（《三密抄料簡》卷上）。金剛界大法的五悔——禮敬、懺悔、隨喜、勸請、回向，亦說明普賢行願。可見此經在佛教密部中的普遍影響及廣泛應用。

《普賢行願品》最後回向彌陀淨土，又為華嚴宗轉入淨土宗，謂無盡妙法之圓融無礙。往生論中的五念門——禮拜、讚歎、作願、觀察、回向——也略攝十大行願。後世成為淨土宗的典籍，與《無量壽經》、《觀無量壽經》、《阿彌

陀經》合稱為淨土四經。

普賢十願，現普遍為漢地佛教寺院的常課。《別行疏》說：「普賢十願為華嚴關鍵，修行樞機、文約義豐，功高益廣、能簡能易、唯遠唯深」，這說明《行願品》在佛教中廣泛應用的原由。這部《普賢行願品》血經，就是當今德高望重、德業巍巍；現已百歲高齡的^上本_下煥老和尚刺舌血書寫的。老和尚出家七十餘年，有著不平凡的一生。經過數十年的修行生涯，行化於國內外、弘法利生、法流天下、遵為佛門泰斗。

老和尚於一九零七年九月，出生在湖北省新州。二零一年一月，禮新州報恩寺傳聖和尚剃度；同年四月，在武昌寶通寺持松師座下受具足戒。後前往江蘇揚州高旻寺親近來果禪師，達七年之久。三十七年一月，發願朝拜五台山文殊菩薩。從河北保定起香，三步一拜，經過六十五天完成心願。後住在碧山寺，落腳修行。三八年時，刺舌血書寫《華嚴經普賢行願品》、《楞嚴經》、《地藏經》、《金剛經》等經，共有二十餘萬字。四二年十月至四五年七月，在栖賢寺閉關三年。閱讀大藏經，並連續做焰口施食一千台，超度抗日陣亡將士。

一九四八年一月，老和尚母親臨終時，燃臂為燈，送母西歸。後在母親墳旁搭一靈堂，日夜誦《地藏經》，守孝四十九天。同年七月，老和尚四十一歲

時，應近代高僧虛雲老和尚邀請到廣東南華寺。十一月於虛雲老和尚座下接法，為臨濟宗第四十四代傳人。四九年八月，老和尚四十二歲。任南華寺方丈，當年虛雲老和尚已一百一十一歲，由雲門寺步行百里為之送座。

一九五八年七月，老和尚不幸蒙冤入獄，歷時十餘載。至八零年時，恢復政策，回歸山門。八零年三月，應廣東省仁化縣政府聘請到丹霞山恢復別傳寺。八十四年四月，舉行殿堂落成開光典禮。八六年春節後，中國佛教協會趙樸初會長，在視察別傳寺時，賦詩贊揚老和尚修復別傳寺之功績。詩云：「群峰羅立似兒孫，高坐丹霞一寺尊。定力能經滄海喚，叢林尚有典型存。一爐柏子參禪

味，七碗松濤覓夢痕。未得偏堂行集看，願將半偈鎮山門」。

一九八六年十二月，老和尚八十歲。在中國佛教協會和省宗教局邀請下，任廣州光孝寺方丈，並修復該寺。老和尚不負眾望，並遵循虛雲老和尚「重振光孝」的遺願。經過十年的建設，光孝古剎全面恢復，使中國佛教文化在嶺南重現光輝。八七年全國人大彭冲副委員長，全國政協趙樸初、費孝通、周培元、錢偉長副主席和廣東省林若書記等，親臨光孝寺視察時，對老和尚重修光孝寺所作的貢獻表示讚歎不絕。

深圳弘法寺在一九八五年，由深圳市園林部門在梧桐山仙湖植物園裡開始建造。由於其它原因停止了修建。一九八七年初春，中國佛教協會趙樸初會長視察廣東時，在深圳得知弘法寺停建的情況。經過察看和了解相關資料，認為在深圳特區建一座大型的佛教文化活動場所具有重要意義。樸老回到北京後經過多次和廣東省政府和宗教部門以及深圳市政府的協商，並得到中央有關領導部門的批示，決定弘法寺由中國佛教協會直接領導管理。一九九零年八月中國佛教協會正式接收了弘法寺。此後，趙樸初會長寫信並派人前往廣州光孝寺，委託老和尚住持該寺並領導寺院續建和管理工作。老和尚不負重托，決心將弘法寺圓滿修建成功。經過一年多的建設，弘法寺的主體工程全部竣工。一九九

二年六月，舉行了佛像開光，方丈升座典禮。中國佛教協會趙樸初會長親臨法會，並做了重要講話。老和尚為弘法寺第一任方丈。

深圳是中國改革開放最早的經濟特區之一，是祖國的南大門。與香港緊密相連，隨著經濟的迅速發展，已成為國內的經濟重地。如今的弘法寺，已是金壁輝煌、清淨莊嚴、氣勢宏偉、人天歡喜的佛教道場。促進了深圳的經濟繁榮和旅遊業的發展，加強了海內外佛教界的聯誼活動，是中國佛教文化面向世界各地傳播與交流的重要窗口。老和尚悲心重重，願力廣大。一生愛國愛教、精嚴戒律、志在苦行。深研經、論、律三藏。參禪、閱關、跪拜五台，刺血寫經，

燃臂孝母，領眾熏修；遵循百丈清規，繼承發揚禪門宗風。倡導人間佛教，建立人間淨土。淨化社會，普利有情。如今老和尚法體安康，精神煥發，仍然堅持著自利利他的佛教事業。每天三時起床，持誦《普賢行願品》達二十餘遍，數十年來，從未間斷。經常應邀，於國內外，弘化四方；廣接善緣、披心瀝膽，建寺安僧，弘法利生。先後修建的寺院有廣東省廣州光孝寺、深圳弘法寺、丹霞山別傳寺、南雄蓮開淨寺和大雄禪寺、湖北報恩寺、黃梅四祖寺、江西百丈寺等八座寺院。曾多次率弘法寺僧眾賑濟災區，並支持希望工程和殘疾人社會福利事業的發展。

今恭逢老和尚百歲壽辰之時，為祝願老和尚法體安康，長久住世。轉法輪，普利有情；祈禱世界和平，國運昌盛。並以此功德回向法界眾生，行普賢願、齊成佛道。今有香港、上海、深圳、中山等地四眾弟子，敬印《華嚴經普賢行願品》五萬冊。

清涼國師在《華嚴經疏序》中說：「盡眾生界如普賢」。普賢菩薩在《華嚴經》上是當機者——請法之主，普賢菩薩他這種境界是沒有法子知道的，所以稱為大行普賢菩薩。每一個眾生的心裡，都有普賢菩薩；而每一個眾生的身心，也都在普賢菩薩的心裡。如來境界無有邊際，普賢身相猶如虛空。所以清涼國

師說，盡眾生界如普賢——所有一切眾生都成為普賢菩薩的化身，都能行普賢菩薩的大行力。

普賢因即一切眾生圓滿的清淨佛性；普賢行即為一切的菩薩行，而以普賢菩薩為示現；普賢果即一切眾生圓滿成就的果位——毗盧遮那佛。

於諸惑業及魔境，世間道中得解脫。猶如蓮花不著水，亦如日月不住空。四生九有，同登華藏玄門；八難三途，共入毗盧性海。

公元二零零六年九月於深圳弘法寺
常云印弘敬述

普為施資
讀者回向偈曰

願以此功德	消除宿現業	增長諸福慧	圓成勝善根
所有刀兵劫	及與饑饉等	悉皆盡滅除	人各習禮讓
一切助成人	輾轉流通者	現眷咸安樂	先亡獲超升
風雨常調順	人民悉安寧	法界諸含識	同證無上道

精進

戊子年本煥百二歲

慈悲喜捨

饒益眾生

本煥百四歲

福

己丑年本煥百三歲

萬緣放下

辛巳年十月

親禮彌陀

師本煥



知恩報恩

題襟初



佛

丙辰本煥書

南無護法韋馱尊天菩薩

佛記樓至 屢現童真 功勳浩蕩 正眼分明
兜鍪鎧甲寶杵隨身 三洲應化護法護人
有道者為翰為屏 破法者碎腦碎心
永佐三尊侍座側 叢林鞏固遠維新



華嚴經普賢行願品(本煥和尚刺血恭書)功德主名錄：

- 七七、〇〇〇元：三寶弟子。
- 一、〇〇〇元：陳憶民。湯惟壹。陳帝伊。黃李阿秀。
- 一六、二〇〇元：佛陀教育基金會。

以上共計新台幣：九七、二〇〇元，恭印一、二〇〇本。

委印文號：107271

迴向：天下和順，日月清明，風雨以時，災厲不起，國豐民安，兵戈無用，崇德興仁，務修禮讓，國無盜賊，無有怨枉，強不凌弱，各得其所。祝願法界一切有情，所有六道四生，宿世冤親，現世冤親，咸憑法力，咸得解脫。祝願現世者增福延壽，發菩提心，常隨佛學，勤修精進，利濟群生。祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印(購)經書及運費使用，為施主廣積陰德，歡迎十方大德善加利用。

佛曆二五六年西元二〇一八年七月

華嚴經普賢行願品(本煥和尚刺血恭書)

恭印：一、二〇〇本

流水號：15985

書號：0343-07

普為出資讀誦支持
繼流還日向偈曰
願以此功德
消除宿現業
增長諸福慧
圓成勝善根
所有刀兵劫
悉皆盡滅除
人各習禮讓
讀誦受持人
輾轉流通者
現眷咸安樂
風雨常調順
人民悉康寧
法界諸含識
同證無上道

發行人：簡豐文
出版者：財團法人佛陀教育基金會
地址：00 台北市杭州南路一段五十五號十一樓
網址：http://www.buddedu.org
E-mail: buddedu@buddedu.org
電話：(02)2395-1198
傳真：(02)2395-1198
銀行名稱：台灣銀行城中分行(請於電匯或轉帳後告知本會用途)
銀行帳號：045004597503


本會經書免費結緣之請取方式如下：
(一)利用傳真：(02) 23959599
(二)親臨本會二樓講堂。
(三)撥打電話：(02)23951198 分機：11、12
(四)網址：http://www.buddedu.org/books/。
(五)寫信指定：本會法實流通股。
為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，自避免姓名、地址等文字上書寫之錯誤。
歡迎翻印(請勿增刪)，贈送流通，功德無量。

◎本會交通
捷運：善導寺站5號出口，至杭州南路右轉，過兩個紅綠燈。
公車站牌：審計部站—212、239、232、205、276、605、257、262
台北商業技術學院—253、297、237、小愛路一段—253、297、開南商工—208
仁愛路、杭州南路(紹興街)口—630、270、263、245、621、651、37、261

行政院新聞局出版事業登記證局版臺業字第三八八九號



若人於此普賢願
讀誦受持及演說
果報唯佛能證知
決定獲勝菩提道



財團法人佛陀教育基金會 印贈

The Corporate Body of the Buddha Educational Foundation

※經書法寶，敬請尊重珍惜，勿任意棄置※

本會經書法寶，免費贈送結緣，嚴禁販售！絕無募款，敬請明察！

This book is strictly for free distribution; it is not to be sold.

Printed in Taiwan

CH343-07